



Synfocity = 929

mail us at : mzsynfo@gmail.com; mizoramsynod@gmail.com - Phone - 2314648

March 21, 2024

❑ Synod Revival Speaker-te tan riahchilh intuatharna neih a ni

Synod Revival Speaker-te tana buatsaih Intuatharna hun chu March 19 - 22, 2024 chhung hian Synod Conference Centre-ah riakluta neih a ni a, Revival Speaker-te an kal kim thei a ni.

Intuatharna programme hi March 19, 2024 (Thawhlejni) zan khan hawnna inkhawm neih a ni a, Rev. C. Zorammawia, Senior Executive Secretary-in a kaihruai a, Synod Moderator Rev. R. Vanlalnghakan Keynote Address a sawi.

Intuatharna hun an hman chhung hian Revival Speaker-ten an rawngbawl zelna tur atana pawimawh thupui chi hrang hrang - Revival rawngbawlna thlirletna leh hmahlir, Harhna leh Mizo Kristiante, Thalaite nun leh Revival rawngbawlna leh Kohhran miten Revival Speaker-te an beisei dan tih chungchang te zir ho a ni a, heng thupuite hi mithiam hrang hrangten an zirtir thin a, sawi hona neih thin a ni bawk.

March 21, 2024 (Ningani) zanah kharna inkhawm neih a ni ang a, Rev. C. Zorammawia, Senior Executive Secretary-in thu a sawi ang.

Tun dinhmunah Synod Revival Speaker 70 (mipa 68 leh hmeichhia 2) an awm mek a, harsatna dang a awm a nih loh chuan Synod Revival Speaker-te puala riak luta Intuatharna hun hi kum tin neih thin a ni.

❑ Dr. Fraser's Clinic, Mission Veng chu Pathian hnena hlanna neih a ni

Dr. Fraser's Clinic, Mission Venga mi chu room chei that, chei thar leh siam rem hna zawh fel niin luah theiha peih a ni a, March 21, 2024 (Ningani) chawhma dar 10:00 khan Pathian hnena hlanna hun hman a ni. Programme hi Dr. Lalthakima, Director-in a kaihruai a, Upa Lalrinmuana, Coordinator, Synod Hospital-in Technical report a pe a, Rev. R. Vanlalnghaka, Synod Moderator-in a mamawh leh pantu apiangte tana damna thlentu a nih theih nan tawngtaiin Pathian hnenah a hlan a ni.

Dr Fraser's Clinic hi Synod Hospital Board-in chei that, chei thar leh room siam rem ni se, tiin a rel a. Synod Trust Department-in plan & estimate an siam a, October 30, 2023 atangin hna an thawk tan a, February 17, 2024-ah an zo a ni. A chei that hna hi Wonder Builder, Durtlang-in an thawk a, ₹ 29,75,000 sen a ni.

Dr Fraser's Clinic-a inentir duhte tan tunah chuan pan theih a ni leh ta a, khawl leh thil dangah pawh a hma aiin a changtlung zawk a ni. Eye Unit lam erawh chu hun eng emaw chhung Zosaphluia building chhawng chung berah an la awm rih dawn a ni.

❑ Synod Bookroom Mobile Bookshop

Synod Bookroom chuan an rawngbawlna chi khat, thingtlang khaw kilkhawr zawka mite'n Synod Bookroom an chhawr ve theihna tura a hmuna kal chilha vah chhuah runpui, Mobile Bookshop chu tlangdung pathum - Tuichangral tlangdung, Tuipuiral tlangdung leh Sialkal tlangdunga khaw 31 tuam turin March 18 (Thawhtanni) khan an chhuak a, Mobile Bookshop hian March 22, 2024 (Zirtawpni) thleng a awh dawn a ni.

Tun tuma Mobile Bookshop atan hian truck 3 hman a ni a, zingah leh tlaiah khaw hrang hrangah Bookshop hi hman thin a ni a. March 22, 2024 (Zirtawpni)-ah Khuangthing, Piler leh Hliappaiah Mobile Bookshop hi khar a ni ang.

Synod Bookroom Mobile Bookshop hi kum tin neih thin a ni a, mipuiin an hlutin an chhawr tangkai thin hle a ni.

❑ Prison Ministry

♦ March 16, 2024 (Inrinni) khan Siaha khawpui chhunga kan Kohhran leh a hnuai Fellowship hrang hrang Kohhran Hmeichhia, K.T.P leh KPP Committee pualin, Jail-a rawngbawl dân tûr Seminar neih a ni. Rev Lalhmuchhuaka, Director, Synod Prison Ministry chu Resource Person niin, Counsellor Tv. Lalrempuia leh Lalthansanga Sailo ten an tawiawm a ni.

- ◆ March 17, 2024 (Pathianni) khan District Jail, Siaha-ah mipa leh hmeichhe zingah rawngbawlina neih a ni a. Synod Prison Ministry Sub-committee, Siaha hruaituten an tawiawm a. Jail tâng mek mipa 62 leh Hmeichhia 3-te tân Synod Prison Ministry hmingin ei tur pêk a ni bawk.

❑ **Tumkau Ni**

March 24 (Pathianni) hi Tumkau Ni a ni a, Isua ropui taka Jerusalem a luh hriatrengna atana hman thin a ni a. Lal Isua chawimawiin naupangten tumkau kengin kawng an zawh thin a. Hmanlaiin tumkau hi thatna leh hnehna entir nan an hmang thin a ni.

Kum 1998 Synod chuan Tumkau ni hi Nilai leh Beihruai Thupui Bu-a tihlan thin turin a rel a. Chu thu chu bawhzuiin SEC chuan Sunday School tibuai lova inkhawm tum khat buatsaih thin turin a ti a. Kum 2007 atang erawh chuan inkhawm tum hnih buatsaih thin a ni ta a ni. Kum 2022 Synod Inkhawmpui chuan Tumkau Ni chawhma inkhawm hi 2024 atangin Sunday School awm lovin Tumkau Ni programme-a hman ni rawh se, tiin a rel a. Tumkau Ni programme-ah hian chawhma, chawhnu leh zan inkhawm atan thupui hetiang hian siam a ni.

Chawhma Inkhawm Thupui : 'Ngai rawh, I lal I hnenah a lo kal e'

Chawhnu Inkhawm Thupui : 'A chungah Isua an chuantir a'

Zan Inkhawm Thupui : 'Keini kan ngawih chuan lung te tal an au tur a ni'

❑ **Mizoram Christian College (MCC)**

- ◆ Mizoram Christian College chuan National Education Policy hnuaiia Skill Enhancement Course pakhat atan Apollo School of Nursing, Aizawl thawh dunpuiin, zirlaiten theory class leh theoretical exam an neih hnuah, March 14, 2024 atang khan practical class an tan.

Hetianga under-graduate (Arts & Commerce) College zirlaiten Nursing College-a practical class an neih hi thil thleng zen zen ngai lo tak a ni a. Mizoramah hian ni tin nun tibuai thei natna, enkawlina tha tak nen chuan pangngai taka nunpui theih si hi kan ngah hle a, hemi kawnga thiamna leh hriatna zau zawk zirlaiten an neih hi MCC chuan a ngaih pawimawh avangin he course hi MCC zirlaiten an zir theih nan NEP hnuaiia Skill Enhancement Course atan MCC chuan a thlang a ni.

MCC zirlai Skills Enhancement Course atana Mushroom Cultivation thlangten MIMA Foods, Tlangnuam-ah site visit cum practical learning an nei bawk.

- ◆ March 8, 2024 (Zirtawpni) khan Mizoram Christian College NSS Unit chuan Zirtawpni chawhnu apianga Co-Curricular Activities (CCA) an neih thin chu hmang tangkaiin, Serlui-A Hydrel Project bul hnaia Tlawng lui fintu thenfai hnatlang an nei a. He hunah hian ram leh hnam hmangaihna leh khuarel enkawlina chungchang inzirtir nghal a ni.

- ◆ March 11-12, 2024 chhung khan B.Com 2nd Semester zirlai Minor subject-a Public Administration la te leh 6th Semester Political Science leh Public Administration zirlaite chuan 9th Mizoram Legislative Assembly Budget Session 2024 chu a hmunah an chhim.

❑ **Trust**

March 15-16, 2024 chhung khan Lungleiah Synod House sak dan tur en felin Rev. C. Zorammawia, Senior Executive Secretary, Upa Thangliankhuma, A.E. leh Pu Lalhriatrenga, J.E. te an kal.

❑ **Kohhran Hmeichhia**

- ◆ March 20, 2024 (Nilaini) khan Pi Zothanpari, Chairman leh Pi H. Lalfakmawii, General Secretary te Women Centre-a zirlaite fuhna hun hmangin an kal.

- ◆ March 20-22, 2024 chhung khan Buhban Kohhran Centenary lawmnaah Pi Zothansiami, Treasurer leh Pi Rohmingthangi, committee member te an kal.

❑ **Worship**

- ◆ March 21-23, 2024 chhung hian Lungsen Bial KTP Solfa Training neihpuiin Tv. Samuel Vanlalhruiatluanga, Music Instructor leh Tv. F. Lalthansanga, Keyboardist te an kal.

- ◆ March 22, 2024 (Zirtawpni) hian Leitan East Kohhranah Zai hruai training neihpui turin Pu H. Lalrinmawia, Senior Music Instructor a kal ang.

- ◆ March 23, 2024 (Inrinni) hian Hunthar Bial KTP Conductors training neihpui turin Pu H. Lalrinmawia, Senior Music Instructor a kal ang.

- ◆ March 23, 2024 (Inrinni) hian Bawngkawn Chhimveng Kohhranah Zai hruai training neihpui turin Pu Benjamin Sailo, Music Instructor a kal ang.

- ❑ **MSSU**
 March 23, 2024 (Inrinni) hian Sunday School Zirtirtu training neihpui turin trainer-te hetiang hian an chhuak ang:
 Edentharr Kohhran - Upa Hrilthansanga, Upa H. Lalnginglova leh Upa T. Lalbiakdika
 Chawnpui Vengthlang Kohhran - Upa Lalthanchhunga, Upa Lalsiammawia Pachuau leh Upa Lalliantluanga
 Kolasib Diakkawn Bial - Upa K. Vanlalngbaka leh Upa R. Vanlalhruaia
 Kolasib Venglai Bial - Upa Zohmangaiha, Upa C. Lalbiaksanga leh Upa C. Krostlansanga
 Suangpuilawn Bial - Upa K. Zoremsanga leh Upa Zionparlawma

- ❑ **SL&PB**
 March 23, 2024 (Inrinni) hian Aibawk Bialah Literature Seminar neihpui turin Rev. Lalbiaknia, Editor; Pu Zohmingliana Colney, Joint Editor; Pi Rinsailovi, Asst. Editor; Pu Zohmangaiha, Asst. Editor leh Pu Eric Lalnunmawia, O.A te an kal ang.

- ❑ **Thawktu thar**
 Synod Service Board chuan Sikulpui-a thawktu turin zirtirtu (Contract) a la thar a, Zonuntluanga Ralte s/o Thangsailova, College Veng chu lak a ni a, April 5, 2024 atangin a hna a zawm ang.

- ❑ **Synod Mission Board**
 - ◆ **Nepal Mission Field**
 March 16, 2024 (Inrinni) khan belhtu thar panga an awm.
 - ◆ **Jharkhand Mission Field**
 March 16, 2024 (Inrinni) khan belhtu thar panga an awm a, March 17, 2024 (Pathianni) khan belhtu thar pakhat a awm bawk.
 - ◆ **Arunachal & Assam Mission Field (East)**
 March 17, 2024 (Pathianni) khan belhtu thar pahnih an awm.
 - ◆ **Delhi Mission Field**
 March 17, 2024 (Pathianni) khan belhtu thar 12 an awm.
 - ◆ **Karbi Anglong Mission Field**
 March 17, 2024 (Pathianni) khan belhtu thar pahnih an awm.
 - ◆ **Ramthar Campaign**
 March 23-24, 2024 (Pathianni) chung hian Vairengte Kohhranah Ramthar Campaign nei turin Rev. R. Lalmingsanga, Secretary, Synod Mission Board a kal ang.

- ❑ **Synod Relief Fund**
 Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Vaivakawn	Vanduaina taw	4	₹ 50,000/-
2.	Kawnmawi	In kang	1	₹ 20,000/-
3.	Tlungvel Vengthar	Damlo	4	₹ 10,000/-
4.	Damdiai	Khawsak harsa	3	₹ 10,000/-
5.	Samlukhai	Damlo	2	₹ 10,000/-
6.	Sialsuk	Damlo	1	₹ 10,000/-
			Belh khawm	₹ 1,10,000/-

- ❑ **FM Zoawi - Aizawl & Lunglei : Hruaina Eng Radio Programme**
 March 22, 2024 (Zirtawpni) @ 7:30 p.m. :

Solo : Cindy Lalthanpuii - Ka famkim lohna tifamkimtu
Zaipawl : Mizoram Synod Choir - Ka enna
Thusawi : Rev. Lalchungnunga - Thalaite tana Pathian thu
Solo : Zorema Khiangte - Babulon lui kam
Zaipawl : ITI Veng Bial Zaipawl - Hmangaih vang maw

- ❑ **Su Samachar Prasaran Programme :**
March 24, 2024 (Pathianni) 5:30 pm. :
Group/Choir/Solo : Mission Veng Kohhran Masihi Sangati - Lahu se Naya niyam
Group/Choir/Solo : Sihphir Bial - Me Akhen Apni
Sermon : Rev. Lalthatluanga
Group/Choir/Solo : R. Jydiel - Kaise Pukaru Masiha
Group/Choir/Solo : Venghnuai Kohhran - Ham Syon Ka

- ❑ **Hruaina Eng TV Programme**
21.3.2024 (Ningani) 8:30 pm : Thupui Zir bing : Tuarna - Ringtute tuarna
22.3.2024 (Zirtawpni) 5:00 pm : Kristian Naupang Pual
23.3.2024 (Inrinni) 5:30 pm : Puitling Sunday School Zirlai
24.3.2024 (Pathianni) 8:00 am : Weekly round up
5:30 pm : Su Samachar Prasaran
25.3.2024 (Thawhtanni) 8:30 pm : Hruaina Eng Luang chhuak

- ❑ **Moderator leh Executive Secretary-te Programme:**
Rev. R. Vanlalngbaka : Moderator
 March 23-24, 2024 Khuangleng South Kohhran tlawh
 March 28, 2024 Nursery Veng Kohhran
 March 29, 2024 Hunthar Bial
 March 30-31, 2024 Rengdil Bial

Rev. C. Zoramawia : Senior Executive Secretary
 March 21-24, 2024 Pdeng Provisional Synod, Kharang, Mawkyntrew
 March 25, 2024 Seminar - Madanriting Kohhran
 March 26, 2024 PCI Working Committee leh Nomination Committee, Shillong
 March 28, 2024 Zemabawk Kohhran
 March 29, 2024 Tlangnuam South Kohhran

Rev. V.L. Luaia Hranleh : Executive Secretary
 March 26, 2024 Central Kohhran Hmeichhe Committee leh Sunday School programme
 March 28, 2024 College Veng Kohhran
 March 31, 2024 Mission Veng Kohhran

Rev. Dr. K. Lallawmzuala : Executive Secretary
 March 25-27, 2024 PCI Working Committee leh Nomination Committee, Shillong
 March 28, 2024 Salem Veng Kohhran

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

- Admission Form : Office hun chhungin ` 10/- a lei theih a ni
- Dil hun chhung : April 26, 2024 (Zirtawpni) tlai dar 3:00 thleng
- Dil thei chin : Class VII pass, kum 16 chin, Kohhran dan chhunga awm
- Interview : April 30, 2024 (Thawhlejni) chawhma dar 10:00
- Class tan hun : May 6, 2024 (Thawhtanni)
- Zir hun chhung : May - August, 2024

Hrechiang duh tan Phone No. **8974613378/8296035491/9612174790**-ah zawhfiah theih a ni.

Sd/-
 Rev. Lalrinsanga
 Principal
 Presbyterian Bible School